

Malas-Bununa!

Ma-aq ata tu qabas ang uka ang a salidazu mita Bununtuza sepuk a malasBubunun ang, amin ang mendudu-az uvavaz-az, mapasusu ki vai tu palasBununun amin bazbaz, uka ka malasvevi bazbaz, ma-aq is san siza ki vevisidug tu binano-az a, ni-i tu melibuntu minqansiap amin malasBununtuza tu qalinga bazbaz, lekleku-aq haip in ti, minsuma qan a ka malalabas tu vevisidug salidazu mita sepuk. Na heza in ata Bununtuza puntastusaba punsanang tu salidazu-un i vevisidug sepuk, maku-uni ki ispaspapanaq tu qemansut mapataz, nait linqeu ki imita Bununtuza tu binano-az, maqalav imita tu iskusisia, siin i sikopa tu eldikusan.

Ma-aq is kananu ata matinbaas a, lusqa pittuspukun a tastulumaq a bunun mapataz, al azuq al ni-i tu, tupa-un ata tu madikla dau mita ka is-atusasamu, asa dau tu ka-a-un, uu ka, amin ang qalinga tu tupa-un tu madikla dau, kasa-an mapudinuun masnanava ki inai qalinga, ma-aq a tan-a ka indangazan nait sevansevan, ma-aq a ni-i tu tan-a ka, kaho-un, kaliptiqun maludaq, pa-anakan, ma-aq is ni-i ka iskilim i dikla madamu maluum somataz, heza ka pakansu-un manaq mapataz, minpising amin a bunun a, na piko-ug a ni-i qo maqtu katnabaas ingtaa ki heza-an nenka ki kapingun tu ispaspapanaq tu qemangsut, paaq pu-un lusqa in saam a Bununtuza sitpu

siqalmang, minLipung is minLipung, minToluu kis minToluu, na piko-ug qo ki.

Paaq pu-un, ni-i in amin maqansiap malas-anak-anak tu qalinga, maz-av in malas-anak-anak tu qalinga. Tuza tu unin ang i, saduu ka sasepuk un i duma siduqdengaz tu ma-aq inai ta ka salidazu-un sepuk a, indangazan i sasepuk, iska-uni ki penai ta tu patasan, makupatasan ta mapatas i inai salidazu-un tu bunun ta tu qalingaz, uu ka pakan-anakun papasnava ki itu-anak-anak tu qalinga, na heza tu punmapusan ta ni-i tu i-isbu-an masnanava ki malas-itu-anak-anak tu qalinga ka, dungzav in i haiphaip in ti tu mindaukdauk in minqansiap.

Mopa ta sia sasepuk a sadu-an a, silili amin mapipa ta sisuqis i ituketnanu siduq tu qalinga, tuza tu kamamaqansiap in lopa ko malasBunun bazbaz, paaq pu-un asa ata tu musuqis malas-Bubunun, mapasnanava sinpalas-Bunun, isnava-an mita ka uvavaz-az siin i mekikingna ki sinpalasBunun ti.

114 年全國語文競賽臺灣原住民族語言朗讀文章 【巒群布農語】 國小學生組 編號 1 號

(文章大意 僅供參考) ※字數限 200 字

請說布農語！

從前，大家都只講族語，連年輕人小孩子，帶嬰兒的母親都只講族語，沒有一個人講外族語，娶外族的妻子，後來外族進來，強迫我們學習他們的語言，我們漸漸放棄傳統文化與族語。直到現在，只有極少數的人還會講族語。

真是謝天謝地，現在我們可以講族語了，所以，我們要回復講族語，學族語，教小孩族語。